

Espediente moetea: Administrazio kontratazioa

Kontratua: Zerbitzu publikoen kudeaketa kontratua, prozedura negoziadua publikidadeagaz (Emakidea)

Espediente zenbakia: KU8-6

**BERMEOKO NESTOR BASTERRETxea ARETOA USTIATZEKO
ADMINISTRAZINO EMAKIDEA EGITEKO BALDINTZA TEKNIKOEN PLEGUA**

1.- XEDEA.-

Plegu honeetan oinarriturik egingo dan kontratuaren helburua honakoa da:

1.1.- Bermeoko Nestor Basterretxea Aretoaren ustiapen zinematografikoa gauzatzea Bermeoko Udalaren Kultura Sailaren zuzendaritzapean.

Esleipendunak bere gain hartu dau baldintza pleguan ezarritakoaren arabera zerbitzua emotearen ondoriozko arrisku ekonomikoa.

1.2.- Beharrezkoa dan giza baliabide edo langileria eskaintzea, bai Udaleko Kultura Sailak eskaintzen dauen kultura egitaraua jorrazteko bai herritarren parte hartze aktiboa bermatuz, kultur taldeek edo herriko artistek burututa eskaintzen diran ikuskizunak aurrera eroateko.

2.- FUNTZINOAK.-

Esleipendunak, gitxienez, hurrengo funtzioak eta zerbitzuak gauzatu beharko dauz:

2.1.- Nestor Basterretxea Aretoa zinema komertzial modura erabilgarria izan daiten beharrezkotzat jotzen diran egiteko guztiak:

- a) Kultura Batzordeari aurreikusitako programazioaren barri emotea.
- b) Onartzen dan programazioaren barruan dagozan filmeak (estreinaldiak barruan dirala) kontratatzea, garraiatzea, muntatzea, publikidadea emotea, proiektzioa eta aretoaren ardurea, eta emonaldia egin eta gero itzultzea.
- d) Filmeak alokatzeko, banatzaile zinematografikoakaz erlazino egokia mantentzea. Esleipendunak merkatuko zine proiektzioaren jarduerari buruzko lege, administrazio eta zerga mailako xedapen guztiak bete beharko dauz, besteak beste, SGAEri eta Kulturako Ministerioari lotutakoak. Beharrezkoak izan daitezkezan lizentziak eta baimenak lortu beharko dauz.
- e) Leihatilan sarrera tiketak saltzea, baita Teleka zerbitzuaren bidez eta lokaletarako sarbidea zabaltzea, itxi eta kontrolatzea.
- f) Aretoaren irekita eta ustiatze egokirako beharrezkoa dan langileria ekartea:

Leihatila jablea, atezaina, zine operatzailea, argi, hots eta mantentzeko teknikaria, aretozaina eta garbitzailea.

- h) Esleipendunak urtean programatu eta eskaini behar dauzan filme komertzialak eta umeentzako emonaldiak ez dira 90 baino gitxiago izango. Horreetatik, 50 filme, komertzialak izango dira, eta 40 umeentzako emonaldiak. Astearen barruan, 7 eta 9 funtzino artean eskainiko dira. Adibidez: barikuetan, 22:30etan; zapatuetan 17:00etan -umeentzako emonaldia-, 19:30etan eta 22:30etan; domeketan, 17:00etan -umeentzako emonaldia-, 19:00etan eta 21:30etan eta astelehenetan, 19:00etan eta 21:30etan. Posible izango da be, martitzenetan beste funtzino bat edo bi eskaintzea ikusleagoak halan eskatzen badau eta emakidadunak ontzat hartzen badau. Esleipendunak bere proposamena aurkeztuko dau, egutegia, oporrak, etab. adierazoz.
- i) Beharrezkoa izango da urteko programazioaren barruan euskeratuta dagozan filme komertzialak eskaintzea. Umeentzako, hilean behin, eta nagusientzako, dagozanak, Udaleko Euskera Sailagaz adostutako baldintzetan.
- j) Esleipendunak, proiektzioak hasten diranean, instalazioak baldintza higieniko egokietan egoteko ardura hartu beharko dau, eta ez dau janaririk edo edaririk sartzen itziko. Proiektzioak amaituta, ondo garbituko da.

2.2.- Urtean zehar, zine emonaldien egutegi barruan, 30 egunetan, gehienez, Nestor Basterretxea Aretoa erabilteko eskubidea gordetzen dau udalak.

Euren artean, data batzuk urtero mantenduko dira: Arrain Azokea, Andra Mari eta Eupeme Deunaren jaiak eta Emakumearen eguna. Egun horreetan, esleipendunak beharrezkoa dan langileria eskaini beharko dau. Esleipendunari hilabeteko aurrerapenagaz jakinarazoko jako.

2.3.-Zinematik ez dagoenean be, udalak kultura aretoaren erabilera bere esku eukiko dau, eta, bereziki, barikuetan kultur ekintzak antolatu ahal izango dauz.

Enpresa emakidadunak daukazan langileak, programatzen dan ekintza bakotxa aurrera eroateko egokiak diranak, izango dira. Ekintza horreek moeta honetakoak izan daitezke: antzerkia, musika saioak, hitzaldiak edo antzekoak, bideo-emonaldiak, zine- (umeen zinea), erakusketak eta bestelakoak. Egin beharreko lanak honeek izango dira:

- a) Muntatzea, desmuntatzea, argiak, soinua, zama-lanak eta laguntza teknikoa, behar diran ikuskizunetarako. (Musika, antzerkia...)
- b) Altzarien, horniduren, makinen eta instalazioen mantentzea egitea, konponketa espezializaduak izan ezik (berokuntzea, instalazio elektrikoa, su-itzalgailuak, etab.)
- d) Lehiatilan tiketak saltzea, baita Teleka zerbitzuaren bidez eta lokaletarako sarbidea zabaltzea, itxi eta kontrolatzea.

- e) Aretoa baldintza higieniko egokietan egoteko ardurea hartu beharko dau, eta ez dau janaririk edo edaririk sartzen itziko. Ikuskizuna amaituta, ondo garbituko dau.

Udalak Teleka zerbitzua kontratatuta eukiko dau, aretoan antolatzen diran ekitaldietarako, eta esleipendunak sarrerak salgai ipiniko dauz, udalaren agindupean. Honelako ekintzak burutzen diranean, emakidadunak hurrengo hiru egunetako epearen barruan sarreraren salmentaren bitartez eskuratu dan dirua, udalaren kontu zenbakian sartu beharko dau.

Udalak esleipendunari mueta honetako ekintzak burutuko dirala, hamabost egun lehenago jakinarazoko deuto.

Hile bakotxeko ekintzak burutu eta gero, esleipendunak faktura bat aurkeztuko dau udaleko Kultura Sailean, egindako lan guztien deskribapenagaz. Kultura Sailaren oneritxiagaz, bankuko transferentzia bidez ordainduko da, gehienez jota hilabete biko epean, fakturea erregistroan sartzen dan egunetik zenbatzen hasita.

2.4.- Erakusketak

- a) Udalak antolatutako erakusketak dagozanean, esleipendunak honako lanak egin beharko dauz: muntatzea, desmuntatzea, argiak ipintea, erakusketea jagotea, liburutxoen salmentarik balego eta lokaletarako sarbidea zabaldu, itxi eta kontrolatzea.
- b) Pertsona pribaduak, udalaren baimenagaz erakusketak antolatzen dabenezanean, esleipendunak, erakusgeletako argiak ipini beharko dauz, eta egunero lokaletarako sarbidea zabaldu eta itxi. Interesadunak jagon beharko dau erakusketea.

2.5.- Herriko talde, alkarte, partikular edo bestelakoek aretoa erabilteko baimena daukienean:

Herritarrek, jardunaldiak, hitzaldiak, zine-kluba, bideo-emonaldiak, batzarrak, etab. antolatu leikiez, udaleko Kultura Sailaren baimenagaz.

Esleipendunak horren irekita, eta kontrolerako beharrezkoa dan langileria ipini beharko dau, eta ekintzak egiteko beharrezkoa dan tresneria martxan jarriko dau.

2.6.- Aipatutako funtzinoez gain, ekintza guztietarako komunak diran zerbitzu honeek be bete beharko dauz:

- a) Kexa-liburua eroan eta ikuslegoaren, agintarien eta haren agenteen esku eukitea beti.
- b) Pertsonak eta ondasunak modu egokian babesteko, beharrezkoak diran aseguruak hitzartzea. Era berean, klausula juridiko eta ekonomiko-administratiboen pleguan ezarten diran muga eta kopuruen barruan erantzukizun zibileko aseguru ituntzea.

- d) Instalazioak egunero egon beharko dira zainduta, kontratuak irauten dauen bitartean, jai egunetako atentzinoa barruan dala kontuan izanda.

3.- KONTRATUAREN IRAUPENA.-

Emakidearen iraupena urtebetekoa izango da, zerbitzua kudeatzeko kontratua egiten danetik zenbatzen hasita; kontratu hori urtebeteko aldietan luzatu ahal izango da, alderdi biek ados egonez gero, eta iraupen osoa (luzapenak be barruan dirala) ezin izango da lau urtetik gorakoa izan.

Kontratua amaitutakoan, emakidadunak Bermeoko Udalaren esku itzi beharko dauz instalazioak, eta horreen inbentarioa emongo dau, baita, lokalen giltzak be.

Lokalak izteko ez da beharko udalaren errekerimendurik, eta horrek, administrazio bideen bitartez berreskuratu ahal izango dau lokalen erabilerea, interdiktuetara jo beharrean.

4.- GIZA BALIABIDEAK.-

- Emakidadunak kontratatutako langileria, zerbitzua aurrera eroateko eta sortu leikezan arazo teknikoei aurre egiteko prestatuta egon beharko da.
- Emakidadunaren langileria zerbitzuaren erabiltzaileei tratu atsegina eta kalidadekoa eskaintzeko gai izan beharko da.
- Erabiltzaileakaz mantentzen diran hartu-emonetan erabiliko dan hizkuntzea, euskerea izango da.

5.- LIZITATZAILEEN BALDINTZAK.-

Lizitatzailleek bete beharreko gitxieneko baldintzak eskaintzetan adierazoko dira, eta honako honeexek dira:

Enpresearen antolaketarako beharrezkoak diran langileak eta material guztiak eukitea, kontratua behar dan moduan beteteko.

6.- LOKALAREN EZAUGARRIAK.-

Nestor Basterretxea Aretoa Prantzisko Deuna Atea kalean kokatzen da eta Sociedad Bermeanaren eraikinaren mendebaldeko fatxadatik eskailera bikotxatik heltzen da.

Instalazioak honeek dira:

- 139 jesarlekuko patioa, eszenatokia, eta proiektzio eta kontroleko kabinea.

- Hall-etik sarrerea eta komunak.
- Lehiatilea.
- Aldagelea.
- Garbitasuneko biltegia.
- Kaletik eta sarrerarainoko eskailerak.

Hiru bloke dagoz: bata erdian, pelikulak, hitzaldiak eta abar emoteko eta alboetako biak erakusgela modura.

Azalera honeek dira:

Eszenatokia	23,40 m ²
Aretoa	138,98 m ²
Erakustaretoa (1)	56,90 m ²
Erakustaretoa (2)	51,36 m ²
Aldagelea	4,80 m ²
Komunak	33,46 m ²
Halla eta pasabideak	39,62 m ²
GUZTIRAKO AZALERA.....	348,52 m²

Plegu honeei atxikirik dagozan planoetan zehazten dira.

Udalaren jabetzakoak diran ondasunak zerbitzuaren kudeaketa egokirako bakarrik ipinten dira emakidadunaren esku. 1 zenbakidun eranskinean zehazten dira horreek ondasunak.

7.- EMAKIDADUNAK EGIN BEHARREKO BESTE PRESTAZINO BATZUK.-

- a) Instalazioak behar dan moduan erabiltzen dirala zainduko dau, azpiegiturak eta zerbitzuen erabilera, erabiltzaileei errezatuz.
- b) Instalazio honeetan beharrezkoak diran langileak kontratatzekeo gastu guztiak ordainduko dauz, baita honeen gizarte segurantzak, istripu aseguruak eta bajak, lan-absentismoa edo eguneroko joan-etorriak.
- d) Zerbitzuak funtzionatzeko gastu guztiak ordainduko dauz, esate baterako: lizentziak, zergak, garbiketarako produktuak, etab.
- e) Esleipendunak, osasun legediak ezarritakoa bete beharko dau, baita garbitasun neurri gomendagarriak be.
- f) Erantzukizun zibileko aseguru polizea kontratatu beharko dabe, plegu honetan agertzen diran zerbitzuak garatzeko.
- g) Esleipenduna da ustiapenaren arduradun zuzena. Zerbitzua laga, jabez aldatu edo errentan ipintea galarazota dago, udalaren baimen barik.
- h) Mantentze zerbitzua dala eta, emakidadunak lan honeek egin beharko dauz:

- Azpiegituren mantentze orokorra, ekipamenduaren erabilerea ahalbideratuz.
- Instalazioak erabilteko moduan, ondo dagozala zaintzea.
- Bermeoko Udalaren jakinean ipintea gertatzen diran hauste, aberia eta beste honelakoak eta beharrezkoa danean laguntza teknikoa eskatu instalatzaileei.
- Euren kontura konponketa txikiak egitea: kontserbatze lan txikiak (pintatzea, berniza emotea, etab.) edo bonbilak, fusibleak eta honelakoak aldatzea, etab...
- Aretoak eta komunek garbitzea, zinea edo bestelako ekitaldi bakoetxaren ostean. Udalak eguneroko garbiketean egiteko enpresea kontratatuta dauka. Enpresa esleituak, zerbitzu hau, astelehenetik zapatara eskaintzen dau goizez.

8.- EMAKIDADUNAREN BETEBEHARRAK.-

Esleipendunak zine komertziala eskaintzeko proiektu orokorra aurkeztu beharko dau eta bertan azalduko dauz pelikula kopuruak, umeen pelikulak, zinezikloak, ordutegiak, egutegia, oporrak, sarrerren prezioak, etab.

Baita, kultur egitaraua aurrera atarateko beharrezkoa dan langileriar buruzko proiektu zehatza be. Eskaintza ekonomikoan, jarduera bakoetxerako eskainitako prezioa eta zerbitzuak adierazoko dauz, inzidentzia guztiak aitatuz (ordutegia, jai egunak....). Ikusi, 2.3, 2.4 eta 2.5 atalak, aurreikusitako lanak zehazteko.

Langileriar jagokonez, horren antolaketa, eginkizun, esperientzia, euskera maila eta prestakuntzari buruzko txostena aurkeztuko dau.

Zerbitzuaren esleipendunak ekonomia jardueren justifikatzeko memoria aurkeztuko dau urtero, zerbitzuak eragindako diru-sarrerak eta gastuak zehaztuz, eta, zinemearen txostena, pelikulak eta ikusle kopuruak isladatuz. Urtearen lehenengo hilabete biak igaro orduko aurkeztuko da memoria hori, edo urtean bi aldiz.

Hizkuntzearen erabilerea:

Bermeok daukazan hizkuntza ezaugarriak kontuan izanda, Nestor Basterretxea Aretoaren lehen eta ohiko hizkuntza, bere jardunaren luze-zabalean euskerea izango da. Horretarako, Euskeraren Udal Ordenantzeak, udal azpiegiturak erabilteko zehazten dauzan baldintzak, orokorrean, bete egin beharko dauz adjudikatariak. Zehatz esateko, euskerea erabilteko erispideak honakoak izango dira:

- a) Irudia eta errotulazinoa: kanpoko errotuluak eta lokalaren barruko seinaleak euskeraz idatziko dira.
- b) Edozein iragarki, ohar, abisu eta abar, euskeraz idatziko da. Beste hizkuntza baten edo batzuetan idatzi beharra balego, euskerazko testuari lehentasuna emongo jako, tamaina bi aldiz handiagoa erabilita.
- c) Nestor Basterretxea Aretoaren publizitatea egiteko erabiliko dan hizkuntza euskerea izango da.

- d) Ekintzak iragarteko erabiliko diran elementuak (kartelak, esku-orriak, sarrerak...) euskeraz idatziko dira. Hizkuntza gehiago erabili ezker, b) atalean zehaztutako jarraibidea izango da kontuan.
- e) Langileek hizkuntza gaitasun nahikoa izango dabe euren lanpostuetan euskeraz normaltasun osoz jarduteko, bai ahoz, baita idatziz be. Gaitasuna, ez eze, erabili be erabili egingo dabe euskerea normaltasun osoz.
- f) Euskera egokia erabiliko da, kalidadea zainduko da bereziki.

9.- ESLEIPEN ERISPIDEAK.-

Kontratazino honen esleipen erispideak, honakoak izango dira:

- o Zerbitzuen eskaintza ekonomikoa. (%25a)
- o Nestor Basterretxea ustiatzeko proiektua, zine emonaldiak eta eskeiniko diran lanak, kultura saileko programaziorako. (%35a)
- o Urteko kanonari buruzko eskaintzarik onena. (%25a)
- o Proposaturiko hobekuntzak, ordain ekonomikorik sortu ez eta zerbitzuagaz kalidadea hobetzeko balio badabe. (%15a)

10.- ZERBITZUAREN PREZIOAK, GASTUAK, URTEKO KANONA.-

10.1.- Urteko kanona

Emakidadunak ordaindu beharreko urteko kanona adjudikaturiko eskaintzan jasotakoa izango da, beti be, udalak jarritako gitxiengoa errespetatuz.

Kanona urtero gaurkotuko da, emakidearen indarraldiak urtebete egiten dauenetik aurrera, eta Euskal Autonomia Erkidegoko KPlaren portzentaiaren arabera handituko da.

10.2.- Zerbitzuen prezioak

Zine emonaldiakaitik, ikusleek ordaindu beharreko tarifak emakidadunak proposatuko dauz eta Kultura Batzordean onartuko dira, urte bakoxtaren hasieran.

Emakidan finkatutako tarifen kobrantzea zuzenean esleipendunak burutuko dau, bere sarreren parte izanik, zine emonaldiko zerbitzuen kasuan.

Ekintza kulturaletatik eratorritako sarrerak Bermeoko udalari jagokoz eta ekintza honeen tarifea edo prezioen ezarpena Kultura Batzordearen eskuduntza izango da.

Prezioak ikusgai egon beharko dira beti.

10.3.- Gastuak

Bermeoko Udala gastu honeetaz kargutuko da:

Emakida honen xede dan zerbitzuaren publizitatea egiteaz eta publizitate honek eragiten dauzan gastuak ordaintzeaz.

Honako gastuak: telefonoa, ura, argia eta TELEKA zerbitzuak sortutakoak.

Ondasun higiezinak hondatuko balitzatekez be, horreen ordezeko materiala udalaren kontura izango litzateke.

Emakidaduna gastu honeetaz arduratuko da:

Kontratuaren ondoriozko estatu, udalerrri eta autonomia mailako zergak.

Mantentze arruntei jagokezan gastuak: garbiketea, konponketa txikiak, bulegoko materiala, etab.

11.- KOORDINAZINOA ETA GAINBEGIRATZEA.-

Bermeoko Udalaren Kultura, Gazteria eta Hezkuntza Sailak koordinatuta eta gainbegiratuta garatuko da zerbitzua.

12.- URRATZEAK ETA ZEHAPENAK.-

Pleguetan eta kontratuetan jasotako betebeharretariko bat ez beteteak zehapena erakarriko dau.

Honako jardute honeek zehazteko modukoak izango dira:

1. Zerbitzuek geldiarazotea edo astebete baino gehiagotan etetea, ezinbestekoa danean izan ezik.
2. Salatzea edo aparteko nahiz premiazko jarduna behar dauen egoerea jakinarazo eta gero, berehalako eskuhartzerik ez egotea.
3. Zerbitzuak txarto edo modu irregularrean emotea, jendeak, bertan lan egiten daberen profesionalak edo udalak egindako ikuskapenek hori salatzen dabenean.
4. Ordutegiak ez betetea, modu sistematikoan; ezarritako baliabide teknikoak ez erabiltea edo horreek kontserbazino egoera txarrean egotea.
5. Jendeak eta sektoreko profesionalak kexak azaltzea, emakidadunagazko hartu-emonaren ondorioz.
6. Kultura, Gazteria eta Hezkuntza Sailak emondako aginduak ez betetea.

7. Jardute epeak ez betetea, parteak sasoiz ez aurkeztea eta horreek akatsak eukitea, sinesgarritasunari eta informazio ezari jagokonez.
8. Plegu honetan ezarritako baldintzak eta epeak ez betetea, hortik sortu leikezan ekintzen eta aurretiaz ezarritako jarduteen (emakidadunaren jardunak) kalte barik, horreek kaltegarriak badira Plegu honetan ezarritako baldintzetarako edo zerbitzuaren kalidaderako.

Zehapenak

Kasu bakoitzean lehenengo urratzea egin ondoren, Udalak lehenengo abisua emongo deus emakidunari eta urratzea ez bada zuzentzen, goian aipaturako puntuetan, hau da, 1., 3., 5. eta 6. puntuetan 300 € arteko isuna aplikatuko da eta 2., 4. eta 7. puntuetan, kontratua eten egingo da. 8. puntuaren kasuan, ez betete bakoitxari jagokozan zehapena kasu erabagiko da, beti be zuzenbide administratuzinoari jagokozan arauak ezartzen dabenaren kalte barik.

13.- KONTRATUAREN ETA AZPIKONTRATUAREN LAGAPENA.-

Kontratuaren lagapenari jagokonez, Kontratuei buruzko Legeko 114. artikuluan ezarritakoa bete beharko da.

Azpikontratuari, barriz, Kontratuei buruzko Legeko 115. artikuluan ezarritakoa aplikatuko jako; halan ta guzti be, Administratuzinoari egin beharreko azpikontratuaren barri emoteko idazkian, aipaturiko artikuluetan ezarritako baldintzak ez ezik, azpikontratuaren baldintza teknikoak be adierazo beharko dira.

Bermeon, 2008ko azaroaren 24a

ERANSKINA 1

EMAKIDADUNARI EMON JAKOZAN UDALEKO JABETZA ONDASUNAK

1.1.-PROIEKZIO EKIPOA. 1. AUKERA.

1 PROYECSON PX35 krono proiektorea.

- Aluminio zerratuko karterra dauka eta engranajeen sistemaren lubrifikazio orokorra ponpaketa jarraiaren bidez egiten da.
- Leihatila blokea dauka ur zirkuituaren bidezko hozte-sistemagaz.
- Aldamenetako formatu bikoitza. (Panoramikoa eta Zinemaskope).
- Objektiboak eroateko dorretxoak; objektibo bakoitzak ikuspegi independentea dauka.
- Fokoaren zabaltze automatikoa.
- 220/ 380V-ko motor asinkronoa.
- Soinu irakurgailua (Reverse Scan-Analogikoa) led gorriagaz.
- Segurtasunerako automatismoa: pelikula apurketa detektatzean gelditu eta gelako argiak isiotzen dira.
- Pelikularen hasiera eta amaiera detektatzeko sentsore inдукtiboak; detektatzean gelako argiak isiotzen dira.

1 PL-5000 DORREA PX-35 EGOKITZAPENA

- PX35 kronorako euskarri eta linternagaz.
- Arraste sistema 12'7mmko ardatzagaz.
- 4500 m-rainoko kapazitatea.
- Pelikula entregatu eta batzeko erregulazio elektronikoko sistema.
- Birbobinatzailea abiadura aldatzekoagaz.
- Pelikula gidatzeko arrabolak.
- Programa dorre gainean muntatu eta desmuntatzeko aukera.

1 Xenoluxe ML 1000/2000 linterna.

- Plano mugikorraren gainean muntatutako ispiluaren euskarria; 3 ardatz koordinatutan dauka mugimendua.
- Xenon lanpara hozteko, haizeari emari handiko 2 zentrifugoren bidez bultza egiten jako.
- 330 mm-ko Mir ispilu metalikoa.
- IREM isiotze-hasiarazotekoa.
- Ampereak kontrolatu eta erregulatzen dauz.
- Xenon lanpara isiotzekoa.
- Orduak zenbatzekoa.
- Amperometroa.

1 Xenon Hztal. R-621 MIR ispilu metalikoa

- 300 mm-ko diametroa, 60 mm-ko zulaketa.
- 48/802 fokoak.
- OSRAM 1.600 W/HSC OFR (HRTAL) Xenon lanpara 1.
- Funtzionamenduaren korrante maila: 50-70 A.
- Batez besteko iraupena: 1500 ordu.

1 XP-85 Artezgailua.

- Uhin osoko artezgailu trifasikoa siliziozko diodoegaz.

- Intentsitatea erregulatzeko transduktoreak (asetzeko moduko erreaktantiak).
- Proiektoretik bertatik martxan ipini eta erregulatzen da.
- Haizeaz bultza egindako hozketa.
- OSRAM lanpara fabrikatzaileak homologaturiko eraikuntza.
- 900/2000w-ko lanparentzat.
- Ampereen erregulazioa: 45/85 A.
- Hutseko tentsioa: 90 v.
- Kizkurdura: <4'25%.

1 SCHNEIDER SUPERCINELUX 2xMC anamorfikoa.

- 70'65 mm-ko diametroa.
- 50etik 100 mm-rainoko primarioakaz konbinatzeko modukoa (50etik 75 mm-ra. SK 3994 modeloko erdiko uztaia).
- Proiektzioaren gitxieneko distantzia: 3mm.

2 SCHNEIDER SUPERCINSLUX objektiboa.

- 62'5 mm-ko diametroa.
- Fokoaren distantzia obran zehaztuko da.

“W-nakar itxurako” oihala: 19 M2.

Pantailako oihal lentikularra, zuria eta berezia. Islapen handia. Ikusi ezin diran soldadurak. M1 sukontrakoa.

Soinua zulatzekoa. Teinkatzeko zuloak. Irabazia: %112.

1 PM6 pantaila mugikorraren markoa

Txaxis bikoitza, 1"ko altzairuzko tutuarekin eginikoa; hormari eusteko atzaparrak daukaz eta pintura antioxidatzaileaz tratatuta dago.

Neurriak: 6 x 2'56 m.

KABINAN BEHAR DIRAN OSAGARRIAK

1 R-5000 Birbobinatzailea.

- 12'7 m/m-ko ardatzeko dorreak. Bobinaren kapazitatea: 970 m/mko diametroa.
- Korrante zuzeneko motorra, abiadura erregulatzailerak daukan kontrol kaxagaz.
- Lotailuari eusteko taula.

2 970 mm-ko bobina finkoa ; 4500m.

1 Desmont bobina; 600 MT E-12'7 mm.

1 CIR lotailua, 35 mm-ko ebakidura 1 daukana.

SOINU EKIPOA

MONO SOINUA: KATE 1 PANTAILAN.

1 100 W-ko anplifikazio bikoitzeko racka.

Osagaiak:

- 100 W RMS-ko anplifikadore 2.
- Kontrolatzeko bozgorailu-monitore 1.
- Tonu independenteko kontrola.

- Banda aukeratzekoa, diskoa, mikrofonoa.
- 4tik 6 Ohm-rako inpedantzia.
- 0'2%tik 1 Khz-rako distortsio txikia.

1 JBL 3678 pantailako sistema akustikoa

Sistemaren osagaiak:

- 100 W RMS-ko anplifikadore 2
- Kontrolatzeko bozgorailu-monitore 1.
- Tonu independenteko kontrola.
- Banda aukeratzekoa, diskoa, mikrofonoa.
- 4tik 6 Ohm-rako inpedantzia.
- 0'2%tik 1 Khz-rako distortsio txikia.

1 JBL 3678 pantailako sistema akustikoa

Sistemaren osagaiak:

2342ko zabaltzailea daukan 2426 (1" motorra) multzo 1.

2226H (1 x 15") bozgorailu 1.

Potentzia: 300 w.

Sentsibilitatea: 98dB.

Neurriak: 1019 x 651 x 292.

1 Ekipo horien instalazio eta muntaketa eta baliabide osagarri eta elektrikoak; neurtu eta probatu dira eta funtzionamenduan dagoz.

1.2.- SOINU EKIPOAREN METODOA. 2. AUKERA.

- DOLBY prozesadorea, CP-45 SR estereoa.
- Lau kateko deskodifikatzailea (ezkerrekoa, erdiko, eskumakoa, girokoa).
- Azpibaxuen katea.
- DOLBY SR formatua.
- Seinale sarrerak: optikoa, digitala/ magnetikoa/ osagarria (sinkronizazio bakoa) eta mikrofonoarentzako sarrera.

CAT 510 preanplifikadore optiko eta estereofonikoa.

- CAT 511 lau kateko deskodifikatzailea.
- CAT 513 bozgorailuen ekualizadorea, 63 Hz-tik 2 KHz-rako eskala daukana. Giroko ekualizadorea.

50tik 100 Hz-rainoko pasabide-iragazki baxua.

- Rack formatuko txasisa: 3 unitate.
- Aukerakoa: CAT 515 giroko bigarren katea eta CAT 516 urruneko motelgarria.

1 19"ko soinurako rack altzaria: 30 unitate.

- Prozesadore estereoarentzako lekua eta potentzia etapak.
- Kontrol modulua anplifikadoreagaz.
- Bozgorailu monitorea.
- Kateak aukeratzeko konmutadorea.
- Prozesadore digitala hartzeko prest dago.

1 JBL MPX 600 potentziako etapa.

- 2 x 850 Wtik 2 ohm-ra bitarteko potentzia etapa, 2 x 600 Wtik 4 ohm-ra, 2 x 400 Wtik 8 ohm-ra, 1700 W bridge monotik 4 ohm-ra, 1200 W bridge monotik 8 ohm-ra.

- Abiadura aldagarriko haizemoileak.
- Ondoko led adierazleak : seinalea, klipa, babesak.
- Sarrera konektoreak: terminalak, XLR, JACK.
- Irteerako konektoreak: banana bikoitza.
- Babesak: zirkuitulaburra, zirkuitu zabala, ultrasonikoa, R,F, termikoa, egonkorra karga errektibo edo ezegonkorren menpean, korrante zuzeneko irteeraren kontrako babes errelea.

6 JBL 3310 giroko sistema akustikoak.

- Bide biko sistemaren osagaiak:

Baxuen bozgorailu 1 (8").

Altuentzako tweeter 1 (1").

Programaren potentzia: 75 W, 8 ohm.

Neurriak: 494 x 481 x 257 mm (altoxanchoxprof).

ONDOKO PARTIDAK KENDU DIRA AURREKONTU NAGUSITIK.

- 100 W-ko rack anplifikadore bikoitza

Osagaiak:

- 100 W RMS-ko anplifikadore 2.

- Kontrolatzeko bozgorailu-monitore 1.

- Tonu independenteko kontrola.

- Banda aukeratzekoa, diskoa, mikrofonoa.

4tik 6 Ohm-rako inpedantzia.

0'2%tik 1 Khz-rako distortsio txikia.

-Kanalizazioak, baliabide osagarriak eta elektrikoak; neurtu eta probatu dira eta funtzionamenduan dagoz.

2.- ESZENAKO JANTZIAK, GORTINAK

1 Ahoko oihala, amerikarren erako bi orriko zabaltzeagaz; BRUXELLES ehunaz egindakoa, M-1 sukontrakoa, 360 gr./ m2-ko pisua, %60ko izurrak, 8 x 4 m-ko neurria eta gurutzatua, tolestura aldamenetan, errefortzuak buruan eta tolestura azpian, teinkatzeko fusible eta guzti.

Eskuz eragiteko errei metalikoa; 8 metroko neurria dauka eta gurutzatua da, gainera, errodamendun gurditxo labaiagarriak, translaziozko poleen sistema eta finkatzeko sistema daukaz.

1 Atzeko oihala, amerikarren erako bi orriko zabaltzeagaz; ESZENATOKIA ILUNTZEKO ehunaz egindakoa, M-1 sukontrakoa, 300 gr./m2-ko pisua, 8x4 m-ko neurria eta gurutzatua, tolestura aldamenetan, errefortzuak buruan eta tolestura azpian, teinkatzeko fusible eta guzti.

1 Gortinak eroan eta instalatu dira; probatu eta funtzionamenduan dagoz.

3.- SOINU EKIPOA

4 30-15.000 Hz mikrofono dinamikoa eta direkziozkoa. Marka: ELECTROVOICE. Modeloa: MC-150.

1 Mikrofono hanka MARK markako jirafagaz.

4 Koning&Mejer markako mahai gaineko mikrofono euskarria.

1 Haririk bako mikrofonoa. Marka: SAMSOM eta modeloa: ONE-Q MIC.

1 Compact disca eta TASCAM markako pletina. Modeloa: CD A-500.

1 Potentzia etapa eta seinale sarrerak nahastekoa (2 balantzatuak eta 3 ez balantzatuak). 5 mikro konektatzeko aukera. Erantzun-maiztasuna: 50etik 16.500 Hz-rainokoa. Tonu baxu eta altuen kontrolak. Bozgorailuen irteerak: 4'8 eta 16 Ohm-tan.

4 Horma gaineko kaxa akustikoa, 1"-ko tweeter-a eta 5"-ko bozgorailua. Erantzun-maiztasuna: 50etik 16.500 Hz.-rainokoa. Tonu baxu eta altuen kontrolak. Bozgorailuen irteerak: 4'8 eta 16 Ohm-tan.

2 4 mikro konektatzeko kaxa; XLR 3 konektatzeko 4 oinarri daukaz. Horma gainean muntatzen da eta kabinaren eta eszenatokiaren arteko seinalearen zati proportzionala be hartzen dau.

1 Sonido ekipoaren instalazioa eta martxan ipintzea.

4.- IKUS-ENTZUNEZKOAK.

- 1 Hizlariarentzako idazmahaia, taula makurtu, beheko arasa, aurreko parrila eta egitura metalikoagaz. Neurriak: 121 cm altu da eta goiko plataforma 43 x 59 zmkkoa da.
- 1 Aldameneko plataformadun mahai osagarria; 75 cm altu da. Taularen neurria: 46 x 41 cm. Aldameneko taularen neurria: 46 x 30 cm. Gris argia da. Pisua: 11 Kg.
- 1 5.200 lumeneko gardenki-erretroproiektorea. 400W/36 v.ko bi lanpara halogeno, 3 lenteko objektiboak (f= 315 mm) eta behera bajatzeko moduko besoa daukatz.
- 1 100 m-raino heltzen dan laser erakuslea, argi-sorta gorria emoten dau jarraian eta 1'5 v y 22'5 gr-ko pilak daukatz.
- 1 Gardenkientzako sartzaile automatikoa.
- 2 Diapositiba-proiektorea eta universal, LKM eta CS kutxatxoak. 250 W eta 24 v.-ko lanpara halogenoa eta objektibo estandarra (F=90mm). Erretroproiektorearen objektiboa eta urrutiko agintea.
- 1 90 x 120 zm-ko erretroproiektore eroangarriaren pantaila.
- 1 Eroatea, instalazioa, martxan ipintzea eta baliabide osagarri eta elektrikoak

5.- ALDI BEREKO ITZULKETA.

- LBB3420/00 infragorrien erradiadore-sistemarentzako elikatze unitate 1.
- LBB3421/00 4 kateko modulu unitate 1.
- LBB3422/10 itzultzaileentzako sarrera simetrikoa daukan modulu unitate 1.
- LBB3424/00 oinarritzko modulu unitate 1.
- Sei hizkuntzentzako LBB32222/02 interpretari kotsola 1.
- LBB9095/30 mikroaurikular 2.
- Elikatze unitatearen eta interpretari idazmahaiaren arteko kableaketa 1.
- 12'5 W-ko LBB 3411/00 infragorri erradiadore 1.
- Hormarentzako LBB 3414/00erradiadore euskarri 1.
- 6 pila hartzaile (6+ 1 kate LBB3433/05).
- 6 LBB3440/00 mikro aurikular.
- 1. Eroatea, instalazioa, martxan ipintzea eta baliabide osagarri eta elektrikoak:

6.- ALTZARIAK.

Allende de Ezcaray modeloko edo antzeko 139 butaka. Erdiko hanka altzairuzko tutuaz eginikoa da, besoak eustekoa pago egur sendoaz eginda dago (barnizatuta edo tapizatuta, aukeran).

Altzairuzko tutuz egindako bastidore metalikoa daukan lepoaldea; malguki izurtua, pagoz xaflatutako taula, bitsezko blokea eta sukontrakoa be badaukatz.

Altzairuzko tutuzko bastidorea daukan jarlekua; sukontrako bitsezko blokearen gainean tapizatuta dago.

Ilaren eta latoizko butaken zenbaketa.

Azkenengo banaketa egiteko, in situ egingo da azterketa eta Obrako Zuzendaritzaren arauak hartuko dira kontuan.

XII. KAP.- SUTEETATIK GORDETZEA.

6 kg-ko hauts sikuzko suitzalgailu 1; presiozko tutu elastikoa eta kontrol eskumetrikoa daukatz. Eraginkortasuna: 21 A/113 B.

XIII. KAP.-LAPURRETEN KONTRAKO ALARMA SISTEMA.

1 Direkzio biko alarma zentrala, CONECTION modelokoa. Ondoko eginkizunak daukatz:

- Konfiguratzeko moduko 6 alarma-gune linea amaierako erresistentziagaz.
- Erabiltzaileentzako 6 kode.
- 4 led teklatu edo 2 alfazenbaki onartzen dauz, elektronikadun armairuarekin harremanik izan barik.
- Bertan edo telefono linearen bidez programatzeko modukoa.
- Erantsita dauka transmisore telefonikoa.
- Sartzeko eta irteteko tenporizadorea, programatzeko modukoa.
- Sirenarentzako tenporizadorea.
- Panel sinoptikorako irteera, aukerakoa.
- 12 V-1,5 A-ko elikatze iturria, egonkortua.

Osagaiak:

- 32 karaktereko alfazenbakizko display-a daukan aginte teklatu 1.

1 12 V.6,5 amp orduko bateria.

1 CONNECTION teklatua.

1 Kanpoalderako sirena elektronikoa, autoelikatua eta ARIANE-F modeloko flashagaz.

Ezaugarri garrantzitsuenak:

- Poli karbonatozko karkaxa, erresistentzia handikoa; bitsaren kontrako parrila metalikoa dauka.
- Arrankadaren edo kaxa zabaltzearen aurkako autobabesa.
- Irteerako soinu maila 3 metrora: 85 dB.
- 12V/2,1 Ah-ko bateria estankoa.
- Distirak botatzen dabean eraginkortasun handiko flasha.
- Funtzionamendu tentsioa: 9-16 Vcc.
- Kontsumoa geldirik/alarma konektatuta: 70/950 mA.
- Autonomia geldirik/alarma konektatuta: 36 H/30 min.
- Tenperatura tartea:-25-tik + 70 °C-ra.
- Dimentsioak: 150 x 260 x 105 mm.
- Europako arauen arabera homologazioa.

1 12 V.2,1 Amp/h.bateria.

5 Teknologia bikoitzeko detektagailu bolumetrikoa (infragorrien pasiboa eta mikrouhina).

Modeloa: HX-30. Ezaugarri teknikoak:

Norainokoa: 11x9 m.

Mikrouhinen zirkuitu gainbegiratua alarma eta guzti.

Fresnel lentea eta ispilu multisegmentatua; 23 gune daukaz 4 planotan, (zero gunea be bai).

Elikatzea: 10,5tik 16 VCC-ra.

Kontsumoa: 30 mA-tik 12 VCC-ra.

Tenperatura tartea: -18-tik + 60°C-ra; konpentsazio automatikoa dauka.

Irrati frekuentzienganako inmunitatea:100 watt 3 metrora, 27tik 1000 MHz-ra.

Dimentsioak: 70 x 60 x 130 mm.

Autobabesa be badauka.